

REGLUR

um heimild til innflutnings og sölu tækja til tengingar við hið sjálfvirka símakerfi.

1. gr.

Póst- og símamálastofnunin getur heimilað einstaklingum og fyrirtækjum að flytja til landsins, selja, leigja, smíða og gera við tæki til tengingar við hið sjálfvirka símakerfi stofnunarinnar með skilyrðum, sem í reglum þessum greinir og gildandi stöðlum um sjálfvirk símakerfi. Með orðinu „tæki“ í þessum reglum er átt við það „tæki“, sem sérstaklega er tilgreint í fylgiskjali nr. 1.

2. gr.

Samþykki stofnunarinnar á ákveðnu tæki takmarkar á engan hátt rétt hennar til þess að hafa sama eða tilsvarendi tæki á boðstólum.

3. gr.

Um heimild, sbr. 1. gr., gilda eftirgreind skilyrði:

- 3.1 Tækið skal uppfylla þær almennu tæknilegu kröfur, sem Póst- og símamálastofnunin setur um eiginleika slíkra tækja.
- 3.2 Tækið skal afhent Póst- og símamálastofnuninni til athugunar, rannsóknar og samþykktar eða synjunar.
- 3.3 Leggja skal fram nákvæma tæknilýsingu, teikningu yfir straumrásir, tenginga-teikningu og notkunarreglur með þeim tækjum, sem greind eru í gr. 3.2. Tæknilýsingin skal tilgreina nákvæmlega alla starfsemi tækisins með hliðsjón af teikningunum. Í tæknilýsingunni skal einnig vera upptalning á öllum tæknilegum eiginleikum tækisins ásamt mesta fráviki frá þeim. Ef mælingaskýrslur fyrir tækið liggja fyrir frá framleiðanda eða öðrum skulu þær fylgja ofangreindum gögnum.
- 3.4 Umsækjandi skal sanna í umsókn sinni um viðurkenningu á tæki samkvæmt þessum reglum, að hann hafi í þjónustu sinni sérhæft starfsfólk til að annast viðhald þeirra tækja, sem sótt er um viðurkenningu á.
- 3.5 Tækið skal greinilega merkt nafni framleiðanda, gerð og framleiðslunúmeri. Erlend tæki skulu auk þess merkt nafni innflytjanda.
- 3.6 Sé orka frá rafveitu nauðsynleg til notkunar á tækinu skal samþykki Rafmagns-
eftirlits ríkisins liggja fyrir, áður en það er sent til Póst- og símamálastofnunarinnar, samkvæmt gr. 3.2.
- 3.7 Tæki af samþykktari gerð skal með tilliti til hönnunar og vinnslu svara nákvæmlega til þess tækis, sem athugað hefur verið af Póst- og símamálastofnuninni. Breyting á tæki af samþykktari gerð skal lögð fyrir Póst- og símamálastofnunina til samþykktar á sama hátt og um nýtt tæki væri að ræða.
- 3.8 Seljandi tækja skal láta skýrar og greinilegar notkunarreglur og upplýsingar á íslensku fylgja tækinu. Í þessum upplýsingum skal þess getið með hvaða skilmálum viðgerðarþjónusta er veitt af hálfu seljanda. Einnig skal seljandi tækja láta reglurnar í fylgiskjali nr. 2 fylgja með notkunarreglum.
- 3.9 Tæki þau sem hér um ræðir skulu fylgja þeirri tæknipróun, sem hið sjálfvirka símakerfi stofnunarinnar kann að taka. Póst- og símamálastofnunin tekur ekki á sig ábyrgð, en prófanir eru aðeins gerðar til að forðast truflanir á sjálfvirka símakerfinu frá tækinu og tryggja aðlögun þess að kerfinu.
- 3.10 Valdi tæki í notkun truflunum eða óþægindum í rekstri sjálfvirka símakerfisins skal afturkalla leyfi fyrir viðkomandi tæki, þar til nauðsynlegar lagfæringar hafa verið gerðar og það viðurkennt á ný af Póst- og símamálastofnuninni.

- 3.11 Tækið skal útbúið með kló eða klótengli samþykktum af Póst- og símamála- stofnuninni til tengingar við sjálfvirka símakerfið og tilheyrandi notendabúnað.
- 3.12 Póst- og símamálastofnuninni áskilur sér rétt til þess að fylgjast með fjölda seldra tækja.
- 3.13 Fyrir rannsókn og viðurkenningu Póst- og símamálastofnunarinnar skal greitt gjald samkvæmt gjaldskrá.

4. gr.

Brot gegn reglum þessum varða refsingu, samkvæmt X. kafla laga nr. 30 27. júní 1941, um fjarskipti, nema þyngri refsing liggja við eftir öðrum lögum.

5. gr.

Reglur þessar, sem settar eru með heimild í 3. gr. fjarskiptalaga nr. 30 27. júní 1941 um fjarskipti, staðfestast hér með til að öðlast þegar gildi og birtast til eftirbreytni öllum þeim, er hlut eiga að máli.

Samgönguráðuneytið, 15. júní 1981.

Steingrímur Hermannsson.

Ólafur S. Valdimarsson.

Fylgiskjal 1.

Listi yfir tæki, sem seld eru á frjálsum markaði og leyfa má að tengja við sjálfvirka símakerfið, samkvæmt ákvæðum í reglugerð.

1. Talfæri fyrir eina línu. Talfærið má tengja sem aðaltalfæri eða aukaltalfæri.
2. Símsvarar og tilheyrandi snældur.
3. Valminni, sjálfveljari.
4. Textasímar.
5. Mynda- og ljósmynda-sendi/viðtæki.
6. Viðvörðunarkerfi.
7. Fjarstýrikerfi.
8. Dyravítar og nýir dyrasímar.
9. Hljóðtengd „modem“ fyrir hraða allt að 300 bitar/sekúndu. Ekki fasttengd tæki.
10. Tölvur og endabúnaður sem tengd eru fjarskiptanetinu.
11. Símalásar, langlínulásar.
12. Viðtæki fyrir hringstraum.

Fylgiskjal 2.

Reglur um notkun tækja, sem seld eru á frjálsum markaði til tengingar við hið sjálfvirka símakerfi.

1. Tæki, þau sem hér um ræðir skulu fylgja þeirri tækniþróun, sem hið sjálfvirka símakerfi stofnunarinnar kann að taka.
2. Verði notandi var við bilun skal hann taka tækið úr sambandi, þar til viðgerð hefur farið fram. Ef í ljós kemur að tækið veldur truflunum á rekstri sjálfvirka símakerfisins, skal það svo fljótt sem við verður komið tekið úr sambandi.
3. Starfsmenn Póst- og símamálastofnunarinnar skulu hafa aðgang að öllum þeim búnaði, sem tengdur er sjálfvirka símakerfinu.

4. Tilkynningum um bilanir í sambandi við notkun tækisins skal beint til þeirra viðgerðaraðila, sem seljandi hefur tilgreint.
5. Tæki, önnur en venjuleg talfæri, skulu bera merki um viðurkenningu frá Póst- og símamálastofnuninni. Tæki án merkis um viðurkenningu má ekki tengja við sjálfvirka símakerfið eða tilheyrandi notendabúnað.
6. Auk framangreindra ákvæða gilda ákvæði um notendabúnað og sérbúnað í gjaldskrá og reglum fyrir símaþjónustu, eins og þau eru hverju sinni.

REGLUGERÐ

um búfjárhald í Eskifjarðarkaupstað.

1. gr.

Búfjárhald er óheimilt í lögsagnarumdæmi Eskifjarðarkaupstaðar án sérstaks leyfis bæjarstjórnar. Reglugerðin skerðir þó ekki rétt lögþýla innan bæjarmarka til búfjárhalds.

2. gr.

Sá sem hyggst sækja um leyfi samkvæmt 1. gr. skal senda skriflega umsókn til bæjarstjórnar.

Í umsókninni skal gera grein fyrir fjölda búfjárins sem óskað er leyfis fyrir, hvernig geymslu þess skuli háttað og öðru sem máli kann að skipta. Leyfisveiting er háð því að viðkomandi sé félagi í viðeigandi búfjáreigandafélagi.

3. gr.

Telji bæjarstjórn að skilyrði séu fyrir hendi skal hún veita leyfið. Má veita það í ákveðinn tíma eða tiltaka ákveðinn frest til afturköllunar. Ef leyfishafi brýtur reglur um meðferð búfjár, t. d. gætir þess ekki á fullnægjandi hátt má afturkalla leyfi að undangenginni aðvörun.

4. gr.

Ef maður heldur búfé án heimildar samkvæmt reglugerð þessari skal lögreglustjóri hlutast til um að það sé tekið úr vörslu hans og er heimilt að selja það á uppboði eða slátra því að undangenginni aðvörun. Sama gildir ef leyfishafi gætir ekki settra reglna um gæslu búfjárins, þannig að það veldur tjóni eða óþrifum.

5. gr.

Bæjarstjórn getur ákveðið að greitt skuli gjald fyrir veitt leyfi til búfjárhalds. Má ákveða gjald fyrir hvern grip sem leyfi er veitt fyrir eða ákveðna upphæð fyrir hvert leyfi.

6. gr.

Sá sem fær leyfi til búfjárhalds samkvæmt reglugerð þessari, skal hafa búféð í öruggri vörslu og ber hann ábyrgð á öllu því tjóni sem það kann að valda. Vísast að öðru leyti til 7. greinar.

7. gr.

Bæjarstjórn skal hafa búfjárhelda girðingu umhverfis íbúðabyggð í Eskifjarðarkaupstað og skipuleggja landsvæði fyrir búfjárhald utan þeirra marka. Stefnt skal skipulega að því að allt búfjárhald flytjist út fyrir ofangreinda girðingu.